



IN. FUNERE
I A C O B I. III
MAGNAE BRITANNIAE. FRANCIAE. HIBERNIAE
R E G I S

O R A T I O
HABITA. IN. BASILICA. SS. XII. APOSTOLORUM
C O R A M


CLEMENTE. XIII. P. M

VII. IDUS. JANUARI. ANNO. MDCCLXVI

AB. HORATIO. MATTEI

EJUSDEM. SS. D. N. PRAELATO. DOM. VTR. SIGN. REFEREND.

ET. LIBERIANAE. BASILICAE. CANONICO.



ROMAE. MDCCLXVI.

TYPE. OCTAVII. PUCCINELLI. S. P.

THE JOURNAL

OF THE

ROYAL

ACADEMY

OF SCIENCES



1811

Vol. 1

III
CLEMENTI XIII.

PONT. MAX.

HORATIUS MATTEI

FELICITATEM.



Anc de praeclaris
IACOBI III MAGNAE
BRITANNIAE . FRANCIAE . HIBER-
NIAE REGIS virtutibus a me ha-
bi-

bitam Orationem , BEATISSIME
 PATER , cum TU Optimo Princi-
 pi supremos honores Catholi-
 co more perfolveres , Nomine
 Sanctissimo inscriptam TUO per
 manus hominum ire permittas .
 Etenim singulari benignitati il-
 li TUAE , qua omnem Gentem
 meam , et me praesertim innu-
 meris , iisque amplissimis bene-
 ficiis semper ornasti , immortale
 illud accessit , quod coram TE , in
 magna Ordinum omnium fre-
 quentia , ingentique Urbis totius
 moerore , ac luctu , extinctum
 Regem laudandum mihi com-
 mitteres . Ex iis itaque rebus
 a cla-

a Clarissimo Rege, de Catholica Religione optime merito, aut pie aut fortiter gestis, quae tempori serviens diligenter et loco, paucissimis verbis complexus sum, TU virtutum omnium verissime, et sapientissime aestimator PONTIFEX MAXIME, cujus fidem, pietatem, religionem, abstinentiam, aliaque animi ornamenta, aequae ac summum imperium, et potestatem Christianus Orbis merito veneratur, facile intelliges, quo ingenio, quo praeconio essent IACOBI III merita celebranda. Hanc itaque de mortui Regis, quem dum viveret, in sinu tuo

paterne fovisti, qualemcumque
laudationem tuere, et Christia-
nae totius Reipublicae felicita-
ti, virtutum praesidio, diutis-
sime fospes, atque incolumis
vive.





ORATIO.



I eorum quoque interitu commoveri solemus, qui, quamvis nullo penitus usu nobis cogniti, et cari, nullo nos umquam officii genere sint prosequuti, tamen, aut felicitis imperii, aut bellicae virtutis, aut excellentis ingenii vel denique gravissimarum aerumnarum tol-

VIII

tollerantia , et fama claruere ; quantum esse , BEATISSIME PATER , quamque acerbum a TE susceptum ex IACOBI III. Magnae Britanniae, Franciae , Hiberniae Regis morte dolorem existimabimus ! Ejus enim in Religionem Catholicam obsequii constantissima testimonia , praeclara , et continua in Rempublicam Christianam merita , non incerti rumores , ex Insulis toto divisis Orbe perlati , sed longissima consuetudo probavit . Quam luctuosum , et grave funus hoc esse credendum est , singulis aeternae Urbis Ordinibus , quibus per quinquaginta fere annos de regia maiestate nil magis quam humanitatem , de potestate praecipue beneficentiam contemplandam , et colendam exhibuit . Quo nunc piissimo Rege , humanae naturae necessitate sublato , species quaedam pulcherrima virtutis e conspectu nostro recessit , atque extincta est ! Oh casum vere luctuosum suis,

in-

infestum Europae , triste bonis omnibus ,
 quorum solatia mors ista pervertit ! In
 tanto igitur moerore , quae mens , qui
 animus inter has faces , inter has lugubres
 voces , fletusque sacros , in hoc tam tristi
 rerum aspectu esse mihi deberet , cui lau-
 dare defunctum Regem imperio TUO, cui
 resisti non debet , est demandatum , nisi
 una me cogitatio non mediocriter con-
 firmaret . Quid enim deceat , de fortissi-
 mo Viro dicentem imbecilliter flere , mor-
 temque ejus lacrimis prosequi , qui to-
 tam vim , laudemque bene vivendi , in
 animi robore , ac magnitudine , in omnium
 humanarum rerum contemptu traduxit ?
 Refectis igitur animis , desideratissimi Re-
 gis clariora facta breviter memorabo , ut
 quem viventem obsequio , admiratione ,
 cultu prosequuti sumus , extinctum recor-
 datione , et imitatione nostra nobiscum
 retineamus .

Sacrarum Litterarum est testimonio
 com-

comprobatum , Deum Optimum Maximum , quos praecipue dilexerit , et ad benemerendum de universo hominum genere destinavit , eos interdum gravioribus humanarum vicissitudinum fluctibus , et infortuniorum procellis voluisse obnoxios , ut eorum virtus in adversis , auri ad instar , quod in igne probatur , et major assurgeret , et lucidior splenderet . Quod in IACOBO REGE quoque ; vitae illius seriem consideranti , manifeste apparet . Principio siquidem , Valliae Princeps renunciatus cum esset , et paterni imperii heres ipsis ab incunabulis designatus , quod Patrem Regem haberet , Catholicae Religionis tenacissimum , qui eam apud Anglos suos pene everfam , ac labefactatam restituere , majori , qua poterat , animi contentione curabat , quique ob hanc tantum causam Regni proceribus invisus , a militibus desertus , ab affinibus ipsis , cognatisque oppugnatus , gravissimum

mum devenerat in rerum omnium discrimen, una cum Matre, Faemina sanctissima, et nobilissima Italicarum, de avita Insula egredi, proximasque oras clanculum petere cogitur. Non illum Regio Filio digna pompa, non militum agmina stipant, atque tuentur, sed fuga, squalor, maternae lacrimae comitantur. Ipsum Pater animi constantia firmissimus deinde consequitur, qui in exilii acerbitate, domesticum sibi in Uxoris fortissimae societate, et in dulcissimi Filii sancta institutione quaesivit solatium. Et sane, egregia Infantis indoles, docilis animus, facileque ad virtutem parabilis, omnem praevertere videbantur paternae caritatis sollicitudinem, omnem vincere doctorum curam. Puerile enim nil in eo apparebat, imo magna assurgebant germina, pulcherrimaque micabat spes earum virtutum, quas in illo semper mirabundi suspeximus, nunc autem luctu, sterilique recordatione conce-
 le-

lebramus . Aetas illa , quā humanae conditionis graves angustiae minime intelliguntur ; quaeque innocuis lusibus dari solet ; ea dulcissima vitae tempora , tristibus a curis immunia ; ab IACOBO tota consumuntur lacrimas inter Parentum , quibus suas quoque miscere cogitur ; nam , quocumque se vertat , et inter ipsa cultioris institutionis studia ea offendit , quae in ipso omnem laetitiae sensum extinguant . Nam seu Locorum , Coeli , Marium positiones addiscit , Regna , Provincias , Urbes , quibus potentissimi Majores imperitarunt , quibusque modo spoliatus ipse est , dolentissime contemplatur . Seu historiae elementa perlustrat , Augustae Familiae Suae vices offendit , clades , ruinas , incendia cognoscit . Nec tamen animo frangitur , sed ad optima studia magis , magisque inflammatur , ut aptior quotidie evadat , atque instructior ad Rem Christianam sustinendam ; tuendam , amplificandam , Majorumque potentiam , et glo-

gloriam assequendam . Itaque seu variorum
 idiomatum , quibus Gentes utuntur , modos
 addiscit , seu artem expendit , quae mentes
 hominum eloquio flectit , seu infortunio-
 rum consolatricem , humanaeque vitae
 moderatricem Philosophiam purissimis Re-
 ligionis haurit e fontibus , auxilia sibi fir-
 missima comparat , ac tempus assidue men-
 te revolvit , quo aliquando felici faustoque
 successu , favente Deo , cogitata perficiat .
 Ad vigesimum septimum pervenerat IA-
 COBUS aetatis annum , cum prudentissi-
 mae Matris , providentissimi Pontificis Cle-
 mentis XI , potentissimorum Galliarum , et
 Hispaniarum Regum incitantibus votis ,
 auxiliisque juvantibus , avitas oras repetere
 aggressus est . Non illum hostium insidiae ,
 non clausus inimicis undique navibus
 Britannicus Sinus , non pretium Regio
 Capiti constitutum , non innumeris explo-
 ratores undique discurrentes , non longissi-
 mae , frigidissimaeque decembris noctes ,

non montium impervia altitudo, nivesque prope Coelo immixtae, non locorum iniquitas, non desperatio in vultu suorum emicans Regium animum prosterunt, aut deiiciunt. Postquam ad extremum discrimen, ac prope perniciem deventum est, parvo exceptus navigio Oceano vitam, fortunaeque suas omnes committit, innumerisque contemptis periculis, Scotiae litora appellit. Qui dies fuit ille, quam mirus laetusque dies, quo expectatus, desideratusque Regnum suum ingressus est! Non aetas quemquam, non valetudo, non sexus retardavit, quominus oculos insolito spectaculo impleret, ac recrearet. Refertum gentibus litus, alacris undique populus felici adventui gratulabatur. Sed utinam iter illud in Scotiam, expeditionesque non semel susceptae meliori non caruissent successu! nisi verius dicendum, divino id esse consilio gestum, ut Rex omnium
amo-

amore cultuque dignus , ab ea Infula , nobis remota , quamquam sua , repelleretur , ut Reges omnes immortalis exemplo intelligerent , satius esse Regno carere,quam non aequis conditionibus imperare ; ut omnes praeterea homines a singulari animi amplitudine , qua Ipse terrenas , caducasque res infra se habuit , ad mortalia quaeque despicienda excitarentur ; nosque praesertim diutius Illius praesentia , tantoque bono perfrueremur . Difficile dictum est , qui moeror , qui luctus , quae solitudo Scotiae Regnum fere totum invaserit , quam aegre Illo caruerint , quando carendum fuit . Ostendebant , qui sudores Illius hauserant campi , quae refectioes antra , quae somnum saxa praetexerant , aulam ubi Rex fuerat acclamatus , quae tecta magnus hospes impleverat . Discurrebant ad litus , ut vestigia , quibus primum , postremoque

constiterat , intuerentur : tanta denique plurimi in Eum fide , et caritate exarsere , ut opes , dignitates , patriam , liberos , vitam , qua nihil carius , amittere satius duxerint , quam Illius Causam relinquere , Ejusque praesentia destitui . Quid autem Ipse , quo sensu , quibus animi motibus tantas pertulit calamitates ? Sciscitemur si lubet jam aetate provectos , qui Illum profugum , exulem , fortis incertum suae , de rebus omnibus dejectum , a Clemente XI. immortalis memoriae Pontifice , hospitio perhumaniter exceptum , opibus liberaliter auctum , majestate defensum conspexerunt , dicentque profecto nobis , IACOBUM III , et Avenione , et Romae , ea mentis indole , eo oris , corporisque habitu perpetuo fuisse , ut fortem , impavidumque virum tot feruisse ruinae viderentur . Oh dignam sane meliori sorte constantiam ! Regno spolia-

lia-

liatur, Terra, Marique tot vitae periculis obiicitur, calamitatibus obruitur, nec tamen aliquod aegritudinis in eo signum, nullum demissi animi apparet indicium! Quamquam doloribus, atque aerumnis premi in terris iustos, pioſque viros altis de cauſis aliquando Summus rerum omnium Moderator permittat, infaustis tamen, amantissimi patris more, prospera admiscet, ut fractos animos erigat, et ad graviora ferenda promptiores efficiat. Hac mira coelestis Providentiae lege, Britanno Regi, in media exilii acerbitate, Uxor paratur **MARIA CLEMENTINA** lectissima Foemina, quam Regio sanguine ortam, conciliante nuptias Pontifice, duxit. Haec formae elegantia, indolis liberalitate, morum innocentia et comitate, et praecipue praestanti in Deum religione, Viri ad virtutem rectissime comparati moerorem omnem, atque

que tristitiam aut omnino, aut maxima ex parte levavit. Et quae, Deus bone, calamitates esse possent, quae solitudo, qui labores, quos non levaret Mulier Deo conjunctissima, cui nil carius erat, quam coelestibus inhaerendo humanum omnem fastum, pompasque despiciere; nil dulcius, quam Mariti dolores, et lacrimas innocuo abstergere risu, sobolemque ad tot Regnorum spem adolescentem castissimo sinu fovere, et in Religionis studio, in amore virtutum, familiaribus exemplis alacriter confirmare! Utinam vero hoc felix, faustumque conjugium immatura Reginae mors, non tam cito solvisset; non enim Vir amantissimus, qui de amissa Coniuge doloris magnam accessionem fortiter pertulit, dulci orbatus fuisset societate, et solatio, neque nos tam longo eximiae virtutis desiderio conficeremur. Oh saltem carissimam conspexisset Prolem in eximiae gloriae, praeclaraeque laudis specula collocata-

locatam ! Alterum nempe Filium, Pater-
 ni animi heredem , et injuriarum vindi-
 cem , populorum suorum amoris dona-
 tum, Maris, Terraeque pericula generose
 contemnentem, sibi que immortalis bel-
 licae virtutis , et fortitudinis nomen un-
 dique comparantem ! Alterum ferventissi-
 mae pietatis instinctu , in juventae flore
 humanis omnibus contemptis illecebris ,
 in sanctam Sacerdotii sortem adscriptum,
 ad asserendam , augendamque Ecclesiae
 Romanae dignitatem, et gloriam ; ad
 Christianae liberalitatis, et continentiae
 exemplum a Coelo datum undique com-
 mendari ! Sed ad IACOBUM redeamus,
 qui in clarissimo hoc Orbis theatro , uber-
 rimum reddidit fructum artium , et disci-
 plinarum , quibus in pueritia ad omnem
 virtutem , honestatemque fuerat informa-
 tus diligentissime . Casta semper appa-
 ruit in Illo mens, castus animus , mica-
 bat in Eo religio , pietas , pudor . Rex
 na-

natura, et jure cum esset, maximum sibi Regnum ducebat sibi ipsi, suisque animi motibus imperare, illa usus semper magistra sapientia, qua nil melius, nil optabilius hominibus esse potest. Imperia enim, divitiae, fortunae bona quaecumque, dum firmiter teneri videntur, temporis momento dilabuntur, illa vero praesto semper nobis est, nos ubique utiliter comitatur. Benignitati, suavitati Regiam jungebat gravitatem, qua quidquid ageret, quidquid diceret ad dignitatem componebat. Humanitati Ejus nil semper tam proprium erat, quam voluntas de cunctis hominibus benemerendi, aliorumque commoditatibus se natum potius putandi, quam suis. Si qua ab aliis Ipsi obvenissent beneficia, perenni repetere solebat memoria, quam nunquam obliterari patiebatur; suorum in alios, quod magnanimi hominis est, et liberalis, omnem reminiscendae sensum amittere.

Pro-

Probatissimis quum uteretur familiaribus , per illos , veluti Regiae beneficentiae administratos , omnibus afflictis , oppressis , pupillis , viduis , pauperibus , liber ad Ipsum patebat aditus , per illos incolumitati omnium , atque salutis , ocio , libertati confulebatur , per illos subsidia vitae in cujusvis ordinis egentes , maxime in Britannos suos , nec Romae solum , sed et alibi gentium , largissime erogabantur . Dies me sane citius , quam oratio deficeret , si singulas egregii Principis virtutes vellem commemorare . Omittam itaque firmissimam Ejus in Pontificem Maximum obedientiam , et obsequium , apud quem , non ut Regius Hospes , sed tanquam observantissimus filius moratus est . Relinquam sedulum Ejus erga hunc Patrum Senatum cultum , urbanitatemque suavissimam , qua Urbis procures , civesque omnes , semper complexus est , studium denique quo Filios , dulcem extinctæ Coniugis imaginem

educavit, caritatem, qua Illos fovit, atque dilexit. Sed inter tantam laudum excellentiam, non queo silentio præterire extremum Illius vitæ actum, ex quo apparet, quantum, et quam mirifice **IACOBI III.** virtus in infirmitate profecerit. Non tam senio, quam piis curis, atque laboribus, octo circiter ab hinc annis quasi confectus, lento quidem, sed mortali morbo correptus, inter corporis languores, et acerbos cruciatus, toties mortis sustinuit gradum, quot numerantur, eo longo temporis decursu momenta. Quis hominum miserrimo in illo statu, aut de sanitate recuperanda non cogitasset, aut mori saltem, solatii loco, non optavisset! Verum fortissimus Princeps humanis rebus penitus valedicens, ad animum ab omni, vel levi culpa expiandum, utitur diuturna ea inacie, atque dolore, ut se totum ad
im-

immortalia bona convertat , quorum
 causa nos unice conditos esse nove-
 rat . Culpas deflet , Poenitentiae Sa-
 cramento frequenter abstergit , spi-
 ritum suum enixis precibus Deo com-
 mendat , pias quotidie audit lectio-
 nes , Coelesti Pane saepe se refici eni-
 xe petit : Quae , quantaque eloquen-
 tia vis requireretur in illo , qui nar-
 rare heic vellet , quibus Ejus pectus
 sacris aestuaret affectibus , quando por-
 rigente Filio Eboracensi Duce , Cardi-
 nali amplissimo , nunc Episcopo Tu-
 sculano , Sanctum Viaticum ab Ec-
 clesia publice , et sacra pompa , ut
 Ipse optaverat , allatum , religiosissime
 suscepit ! Quae lacrimae , qui motus ,
 quae fides , quae pietas ! Quod etiam
 solatium in senectute , in extremo vi-
 tae discrimine , egregio Principi , avi-
 tis Regnis Catholicae Religionis cau-
 sa expulso , salutaribus Catholicae Co-


munitionis myſteriis, proprio miniſtrante religioſiſſimo Filio, refici, et ad tremendam ſubeundam luctam armari! Utinam alterum nobiliſſimum quoque Natum poſt tot annorum abſentiam reducem, poſt tot metus, tot pericula incolumem conſpexiſſet! Utinam Illi gloriae ſuae heredem, infortuniorum participem amplecti, et inter caſtiſſima ejus oſcula ſaltem deficere datum fuiſſet! Sed non tulerunt divina conſilia animum innocentiffimum, et penitus a terrenis rebus avulſum, ad humana, et fragilia retrahi, et paternis iterum affectibus cor Deo plenum labefactari. **TIBI** praefertim, **BEATISSIME PATER**, non difficile fuit ſummam Viri Religionem, humanarumque rerum contemptum dignoſcere ex obſervantia illa, atque cultu verecundo, quibus **TE** laetiſſime excepit, quando graviter decumbentem paterne inv-

visisti , quando Ille constans , et libens finem intuens suum , a TE demisse postulavit , ne Regio funere fineres corpus suum efferri , aut nomen funebri laudatione celebrari . Vos heic tandem compello , qui morienti praesentes adfuistis , vos qui Illum cum lacrimis , inter languidos , difficilesque anhelitus repetere non semel audistis , se innumeris de causis , et praecipue de duabus esse Deo devinctissimum ; quod sibi scilicet Catholicis Parentibus nasci , inter Catholicos educari , vitamque omnem vivere fuisset elargitus ; quod demum Divina Providentia factum esset , ne terrenum teneret Regnum , ut de illo coelesti solummodo cogitaret . Oh sensus aeterna Posterorum memoria dignos ! Oh fausta , et felicia Catholicae Religioni tempora , quibus Reges , dum illi vanum quoddam Philosophiae nomen contumeliose insultare conatur , debitum ei reddunt ho-

honorem, et Regno carere inalunt, quam
ejus sanctissima jura violare.

En IACOBE Rex Optime, vitae
tuae, quam mediis in aerumnis, atque
laboribus traductam sanctissime consum-
masti, exitum sane felicem! Regnum,
quod Tibi a Deo jam datum esse con-
fidimus, tene, non amplius terrenum,
vicissitudinibus scilicet, et calamitatibus
undique obnoxium, sed coeleste, tutum,
aeternum, in quo beate vivunt animae
vere magnae, nullamque experiuntur pa-
cis perturbationem, et tranquillitatis. Ex
eo laetissimo piorum loco respice, quae Ti-
bi funebria iuxta sacro ritu persolvunt, et
tuus Ille amantissimus Pater CLEMENS
XIII. in cujus beatissimi saeculi luce du-
rare, Pontificemque Maximum venera-
ri, Tibi, ut in votis habueras, datum
fuit; et una cum Purpuratorum Senatu
nobilissimi Filii Tui, honos, decusque
nostrum; omnes denique Urbis Ordines.
Ex-

Excipe ingentis desiderii nostri testimonium hoc, et nos ab hisce lacrimis, voca ad contemplationem, imitationemque virtutum tuarum, quas neque lugere, neque plangere fas est. Nam quidquid ex Te amavimus, quidquid mirati sumus, manet, mansurumque est in aeternitate temporum, fama rerum. Multos in hac vita felices oblivio obruet, IACOBUS III. Magnae Britanniae, Franciae, Hiberniae Rex, cum adversa semper luctatus fortuna, et quod summum est, Catholici Cultus causa suo spoliatus Imperio, religione, pietate, constantia, Prole denique inclita, posteritati narratus, et traditus, superstes erit.



SPECIAL
74-017183

XX

LIBRARY

